

آبونه شرائطی

ممالك عثمانیه ده سنه لکی (۶۵) ، التي
آبانی (۳۵) غروشدر .
ممالك اجنبیه ده سنه لکی (۱۷) ، التي
آبانی (۹) فراتقدر .

اداره خانه

باب عالی چاده سنده اورخان بك خائنده
نومرو ۲۳-۲۶

اخطارات

آبونه بدلی پشیددر .

§

مسلكه موافق آثار مع الممنونیه قبول
اولنور . درج ایدیلمه یین یازیلر
اعاده اولوعاز .

~~~~~

# الکشاف

۱۳۳۰ ۱۳۳۱ ۱۳۳۲

## اخطارات

رساله مزدن آندینی کوه ترمك شرطيله  
یتون یازیلر هر هانکی بر غزته طرفندن  
اقتباس اولونه یینیر .

§

مکتوبلرک ، امضاترک واضح و  
ارقوناقلی اولسی و آتونه صره  
نومروسنی محتوی پولونسی لازمدر .

§

ممالك اجنبیه بچون آبونه اولانلرک  
آدرسارینک فراموش نه ده یازاسی  
رچا اولنور .

§

یاره کوندرلدیکی زمان نه یه دائر ولدیفنک  
واضحاً بیلدیرلمسی رچا اولنور .

اتبعون اهدکم سبیل الرشاد

دینی، علمی، ادبی، سیاسی هفته لوق مجموعه اسلامیه در

والله یهدی من یشاء الی صراط مستقیم

صاحب و مدیر مسئول : ح . اشرف ادیب

۱۲ ربیع الآخر ۱۳۳۱ پنجشنبه ۷ مارت ۱۳۲۹

عدد ۲۳۶

جلد ۱۰



## مکتبائیت

مرکز لیلر ایله طشره لیلر مار لهررد وکل ایشلر

طشره ده ، هله اینه کولده ، تجدد مخاصماتدنبرو ، نه اتحادی ، نه اشتلاقی ، نه ده بیطرف وار . بونردن له الحمد هیچ بریسی یوقدر . یالکز خلافت اسلامی و سلطنت عثمانیه یی تسلط اعدادن قورتارمغه موقوف علیه وسائط ووسائل نه ایسه آتی اقتدار نسبتده تدارک واکماله ال برلکیله بدل غیرت ایتکی کندیسنه وظیفه ایدینه برکتله عثمانیه ، اهالی محترمه واردر . اوت اهالیز الدن کلدیکی قدر چالیشورکه عسکر قرداشلریز ایچون قولسزانتاری ، چوراب ، طون ، کوملک کبی البسه یه متعلق بش بیکی متجاوز پارچه ؛ بولغور ، ترخانه ، فصولیه و سائرده دن بش بیک قیه یی متجاوز مواد غدایشه ؛ آلتش ایکی بیک غروشدن فضله نقد ؛ صمانه طولو بیک قرق طقوز حرار بالتدارک عائد اولدینی دواثره سوق قلندینی کبی ، کولکلیلریز دخی میدان حربیه قوشدی . اوت اهالیزده وطن دوردی واردرکه شمدیلک قهوه خانه لرده اویونلر ، کلنجه لر ، فلانلر ترک ایدیلدی ؛ حتی فعل ازدواج بیله پک نادر اولارق وقوعبولور .

اشبو اشعار کترانهم نه تمدح ، نه منت ، آنجق تجدید نعمتدر . مرکزلی بابالریز ، قرداشلریز ، آنا و همشیره لریز ، والحاصل مرکزک بیوکی ، کوچکی ، بتون خلقی تخلص وطن حسیله متحسس اولوب امل مقدسه وصول ایچون بدل ماحصل غیرت ایتدکلرینی کلن اوراق حوادنده اوقودق ، ممنون و متشکر اولدق وحسب المقتضی کندیلرینی رهبر اتخاذ ایتدک و کندیز یرو اولمغه چالشدقده مارالدر خدمت حصول بولدی . بولدی اما مرکزلی رهبرلریزه اتباع ایدمه جکمز بر حالت روحیه لرینی غزته لر بز طشره لیلر بیلدیرنجه هان کوشه دک .

دیده کوش تأثر اولوب خیلی کسانجه انکسار اشواق موجب اولان حال ایسه سرآمدان ادباده بر ذاتک درسعاده مواصلتی مناسبتیه شرفلرینه درسعادت ادباسی طرفندن پک اوغلنده ویریلان ضیافتدر . رجا ایدرم ، عفو بیورک ، بر ادبیه ، علی الخصوص تاج الادباء والشعراء وصفنه بحق سزا بر ذاتک شرف قدومی سبیلله همسکلرکی طرفندن کشیده اولنان بر ضیافتی طشره لیلقله برابر چوق کوره جک درجه ده قدرشناس دکلز . علمایی ، ادبایی تجیل ایدرز . مسکلرینک مقتضاسنده دوام ایتدکلری مدتجه تجیل ایتک دخی بورجزد . زیرا مسکلرینک مقتضاسی بنی نوعلرینک سعادتیی ایجاب ایدن یوللری آنجق ارانه ایتکدر . بو ذوات محترمه یه یالکز درسعادتک بر قسم اهالیسنک دکل ، بلکه بتون مملکتلینک ابراز آثار حرمت ایتلری جلله وظائف قدردانلرننددر . فقط هر شیئک وقت مرهونی و محل مناسبی واردر . یوقسه وطن سراپا ماتم ایچنده بولندینی ، اولاد وطن قانی یاشر دوکدیککی ، ایچنده بولندیغمز نائرة تهله کدن رهایاب اولق ضمننده پیشواضر بولسان ادبانک چشمه زبان ادبدن وخامه حکمت آموزندن دوکیله جک آب زلال نصایحه دیده دوز انتظار اولدیغمز هنکامده اساساً حاوی اولدینی هر درلو ذوق وسفاهت خانه لر یوزندن اوتهدنبرو دارالخلافه العلیه ایچون لکه صاییلان پک اوغلی عالم لرنده ضیافتلر کشیده واحکام ذوق اجرا ایدلسی ، شامپانیلر ایچیلسمی البت تحسین ایدیلور ، مناسب کوریلور احوال دن دکلددر . وطنک بر قسم مهمی پازده خیول اعدا اولمش ، دیکر قسمی تهله کد آتشلرنده قاورولور ؛ اولادینک اک دکرلی قسمی معرکه لرده ، محاربه میدانلرنده جان ویرسونلر ، قان دوکسونلرده ؛ دیکر قسمی ، افکار منوره اصحابی عنواتی حائر ذوات ذوق وصفالر سور . سونلر فصل اولور ؟ ایشته بو حال جداً عثمانیلهغه ، شان جلیل عثمانیه سیاه لکه در . بوکا هیچ بر حقیقی عثمانی نظر خوشنودی ایله باقمه ماز ، خوش کوره من . بوندن بز طشره لیلر متأثرز . بو ضیافت وسیله سیله اعانه حربیه اوله رق بر قاچ پاره طویلامش ، بونکله وطنه خدمت ایدلش ! کبی جوابلر نائرة تأثر منی سوندیره من . چونکه استانبوللیلر یالکز خلاص وطن

قیغوسنی چکوب کافه همتات و افکارینی بو غایه یه حصر ایتدکلری خبرلری طشره لره اولیه تأثیرات حسنه بخش ایتدی که هر طرف اهالیسی علی قدر الطافه کندیلرینه امتثال ایدوب چالیشدیلر وغزته لرده کوریلن تظاهرات هپ او امتثالک نتیجه مرغوبه سیدر . شمدیکی پک اوغلی عالم لری نمونه امتثالز اولسونمی ؟ اولورسه وطنه خدمت ایدلش اولورمی ؟ اولورسه یأسک حصولی طبیعی دکلی ؟ کوشه کلک ایسه یأسک ایلک تأثیریدر . کوشه کلک کوسترنلر مالاً ، بدنآ ، فکرآ وطنه خدمت ایده منلر .

البادی ظلم ، هر کس دیله کیله قالسون ، اولر اولیه ، سزده بیلدیککز کبی حرکانده حر و سربستسکز ، هر کس ایتدیککی یولده دوام ایتسون ... قیلقلی تکلیف بر وجهله معقول اوله ماز . زیرا متخالف حرکات اولاد وطنک یکدیگرینه قارشو بغض وعداوتی و بالنتیجه باب خصومتی آچار . حالبوکه مطلوب اولان نفاق دکل ، ابدی وفاقدر . سبیز زاده الحاج

اینه کول

محمد

### سبیل الرشاد صبرده اسلامیه

افندم ،

دارالخلافه العلیه ده مدافعه ملیه هیئتک تشکیلی بزه پک بویوک امیدلر بخش ایتدی . بو آنه دکن شوصوک اوچ عصرلق برزمانده لاقیدانه حیات کچین اسلاملر ، عثمانیلر حیاته قابیلتری اولدینی بوضورتله اثبات ایتش اولدیلر . برطرفدن ارککلرک ، دیکر طرفدن قایلرک تعاطی ایتدکلری حرارتلی نطقلر ، هله اعطای اعانه ده ابزال ایتدکلری فداکارلقلر بزی پک متحسس ایتدی . اسلام ملتده یشامق استعدادی وار اولدینی اکلاشیلدی . بز قولاق مسافری بولندیغمز بوتدلره اوراقدن سیرچی قاله مزددق . نهایت بشنجی دفعه اوله رق سرای بوسنه اهالی اسلامیسی هلال احمر اعانه سی نامیله اعانه لر طویلامغه شتاب ایدیلر . شمدیه قدر یوز بیک قرونه یقین بر مبلغ طویلامغه موفق اولدیلر . حالاده امکانک مساعده سی نسبتده بدل جهد ایلکده . درلر . بوسنه اسلاملری ؛ دین قارداشلرینک بر مظفریتنی ایتدکلری کبی قبلرنده برسرور پیدا اولور ، آنک تأثیریه جوشه کلرلر ، اعطای اعانه دکل ، ایشار جانی بیله - دین اوغرنده - آز کورورلر . اسلاملر ؛ بو حس ظفر ایله سرمست شادان اولدقلری حالده کچنلرده استاد محترمز مناسترلی مرحومک طلاب عرفاندن و بوسنه نک مابه الافتنخاری استاد محترم حاجی خال الدین افندی حضرتلرینک حنکارجامع شریفنده جماعت کبری حضورنده جمعه کونی ایراد ایلدیککی موعظه شایان تقدیردر . آنک تأثیر . علویسیله حضار کرام هپ آغلادیلر . اسلامیتک علویتنه ، خلافتک مصون الزوال اولدینک تبشیرانه دائر قرائت بیوریلان آیات کریمه واحادیث شریفه یی تفسیر بیوره رق نیجه نیجه حقائق اسلامییه کسب اطلاع ایدلدی . هله « واتفقوا فی سبیل الله » ولاتلقوا بایدیکم الی التلهکة » آیت جلیله سنک تفسیرنده تهله کدنک « تفرقه » جیلق دن عبارت اولدینی ، بوتون اسلاملرک فلاکتلری هپ تفرقه جیلقدن ایلرو کلدیککی ، خلافتکده بو حاله دوچار اولسی ینه بوسیدن نشأت ایلدیککی برلسان سوزشله بیان بیوردیلر . بونک اوزرینه اهالی اسلامییه ده ا زیاده غلیانه کلدرک درلو درلو صورتلر ایله اعانه درجه باشلانلدی . کیمیمی برفنجان آله رق چارشوده کزدیرر ، آز مدت طرفنده اوچ بیک قرونن زیاده اعانه طویلانیر ، کزدیریلان فنجانک قیمت اصنافیه سی یوز اون قرونه چیقار ، تسلیم اولور . دیکر بری بر قوطی ؛ بر ایکنجیسی سجاده ، مصنع باستون ، اسکی برپاره ایله سوقاق سوقاق طولاشیر ، یکدیگرینی مسابقه ایدرجه سنه دوام ایدر کیدر . قادیلرده ابراز حیثیتن کری دورمدیلر . اک بویوک عائله لره منسوب خاتم افندیلر اولری دولاشیلر . هلال احمر ایچون اعانه طویلارلر . ایشته ( برفلاکت بیک نصیحتدن ایودر ) دیرلر . یا بیکرجه فلاکتک تأثیری نصادر ؟ ایشته بز ( عالم اسلام ) شمدی بو حالده در . باشمزه بو فلاکت کلدن اویانه مدق ! انشاء الله بوندنصکره اولسون اویانه لم . تفرقه جیلق دن دور



اوله لم . معاذ الله بو تفرقه ایله بوسوک اسلام حکومتی ده انقراضه محکوم اولورسه حالز پک یامان اولور . الله ، امت محمدی تفرقه بلاسندن محافظه بیوره رق دائماً متحد و متفق بر حالده بولوندورسون ، آمین . قارلر کزدن سرای بوسنه

مصطفی

## شیون

### احوال حربیه

**اردوزنك حرکات تعرضیه سی، دعای ظفر ر موفقیتم .** — کرک رسمی راپورلردن ، کرک معلومات خصوصیه دن اردوی عثمانیک بتوفیقه تعالی حرکات تعرضیه باشلادینی اکلشلمشدر . بو مناسبتله بو کون حربیه نظارتنده مراسم فوق العاده دینه ایله بر دعا تلاوت ایدیله جکدر . دعاده صدراعظم و حربیه ناظری محمود شوکت پاشا ایله سائر ارکان ، امرا و مأمورین عسکریه حاضر بولونا جکدر . جناب حق ، سلامت ملک و ملت معطوف اولان دعالرک جمله سنی قرین قبول ایله سین . آمین .

**جنازه ده بوتوبه خط حربیه مصادره .** — بو هفته چنالجه ده اولدجه مهم و جدای محاربه لر وقوع بولمشدر . بوتون خط حرب اوزرنده اردو من بعونه تعالی شدتلی بر حرکت تعرضیه باشلامشدر . صاغ جناحده ایلرله یین مفرزه لر من سیواس کوی ، قلفه کوی ، و آق آلان شرقلرینه قدر قدمه قدمه دشمنی بوسکورتمش ، دشمن سپرلی اوزرینه قهرمانانه هجوم ایدرک سپرلی اشغال ایتمشدر . مرکز دن ایلرله یین عثمانلی بهادرلری کویچکز غریبنده کی فونده لقلرده حرب ایدرک دشمنی فراره مجبور ایتش و اینجکز صرترلرینه ده تحت اشغال ایتمشدر . قاضی کوی جوارنده غروب شمس دن صوکره یه قدر قوتلی مصادمه لر وقوعه کلش ، غایت مهم بر موقع اولان قاضی کوی دشمن دن استرداد ایدلمشدر . ایکی عثمانلی طیاره سی ده اوچه رق استکشافات یاپمیشدر . بوتون جبهه اوزرنده طرفین قوتلری صیق بر حال تماسده در .

**قهرمانه همبریه نك صوگ غزاسی .** — حربیه نظارتندن عثمانلی تلغراف آژانسنه تبلیغ ایدیلان راپوردر : « حمیدیه قرو و اوزوری دراجده صرپ اردو کاهنی طوبه طوتدقن صکره شنکینه عزیمتله اوراسنی ده طوبه طوتمشدر . ساحل دن آغیر طوپرله مقابله کورمش ایسه ده بو طوپرک آتشنس دن قطعاً متأثر اولامش و بالعکس شینکینه بولنان یدی یونان واپورندن برینی غرق و الیسنی تخریب ایله قره یه او طور تمغه مجبور ایلشدر . »  
بعده قهرمان اسلام قرو و اوزوری اسکندریه یه کتمش ، کور الدقن صوکراینه بحر سفیده سیاحتیه چقمشدر . معنی جناب حق اولسون .

**شیخ الاسلامک پیرلونی مکتوبی .** — شیخ الاسلام اسعد افندی حضرتلری اوروباده مسلمانلرک مدافع یکانه سی بولونان بویوک فرانسه ادبی پیرلونی یه صورتی آتیده مندرج مکتوبی کوندرمشدر :  
موسیو پیرلونی جنابلرینه

اصالتاب ؛

بالقان حکومت موفقه سنک شو یکرمنجی عصر مدنیتده شرف انسانی لکه دار ایدن مظالم کونا کونی تعداد و تذکار و حق و حقیقتک مدافعه سی صدنده موقع رفیع انسا یان رفیع و اعلا بیوردیفکز صوت بلند نجیبانه دن دولای قلوب اهل اسلامک ذات اصیلانه لرینه قارشو پک زیاده متحسس اولدیفنک بیان و ابلاغنه مسارعت ایلرم .  
شیخ الاسلام

اسعد

**صالح مقننه متفینک شرائطی .** — باب عالینک صلح حقنده دول معظمه نك توسطنی قبول ایتدیکی معلومدر . بونک اوزرینه دول

معظمه حکومت متفقه یه ده عرض توسط ایتش ، متفقرده اوزون اوزادی\* مذاکره لردن صوکره توسطی - بلغار تلغراف آژانسک تبلیغه کوره - اینجی شرائط آتیه تحتنده قبول ایدیه بیله جکارینی دول معظمه یه بیلدیرمشلردر :  
« ۱ - متفقر ، مذاکرات صلحیه یه اساس تشکیل ایدیه بیلک اینچون کلیبولی شبه جزیره سی حکومت عثمانیه ده قالمق اوزره مالاطرا ایله تکفور طاغی آره سنده بر حدود تعییننی طلب ایتکده درلر . ادرنه و اشقودره ده داخل اولدینی حالده بو خطک جهت غریبه سنده قالان اراضینک کافه سی حکومت عثمانیه طرفندن متفقره ترک ایدیله جکدر .

۲ - حکومت عثمانیه جزائر بحر سفید آله لرینه ده متفقره ترک ایدیه جکدر ؛ ۳ - کریددن دخی قطعاً قطع علاقه ایدیه جکدر .

۴ - باب عالینک ، مقداری صاج قطعینک تأسسندن اول تعیین ایدلک اوزره اساس اعتباریه برتضمینات حربیه و حربدن صوکره وقوع بولان خصوصی ضایعانه بدل بر مبلغ اعطاسنه موافقت ایلسی مشروطدر . متفقر تضمینات حربیه حقنده جریان ایدیه جک اولان مذاکراته ده اشتراک ایدیه جکدر .

۵ - متفقر حکومت عثمانیه ایله عقد اولنه جق معاهده صلحیه ده حکومت عثمانیه داخلنده کی تبعه لرله امور تجاریه لری و اورتودوقس کلیسالری و همجنسلری اولان عثمانلی تبعه سنه تأمین اولنه جق امتیازانک بر اساسه ربطی حقنده مذاکراته بولمق حقنی محافظه ایتکده درلر . »

**یانیه نك نسیمی مقننه تبلیغات رسمی .** — حربیه نظارتندن تبلیغ اولمشدر : « یانیه مدافعتنک شان و شرف عسکرسی تمامیه محافظه و بالنتیجه وظیفه عسکریه لرینی ایفا ایتدکلی و تسلیمیتلری عاقبتی مؤلم و شرف عسکرسی محل بر طرز و شرط داخلنده واقع اولیوب بونک خلافنده وقوع بولان اشاعات و نشریاتک اصل و اساسدن قطعاً عاری اولدینی یانیه ده بولنان اسعد پاشادن مورد تلغرافنامه ده بیان اولمشدر . »

**سلاویکده اهل صلیب مظالمی .** — سلاویکدن جرائد بومیه کوندرلن بر مکتوبده اوقرتمشدر : سلاویکک مستولی لری ، شمار قتلله انسانلقدن چیقورلر ، حالا شهر اینجده ، قتل ایتدکلی بیچاره لری یاقیورلر . . کچن کیجه قله قهوه لری جوارنده حضر بابا محله سنده بر خانه ده اقامت ایدن بابا اوغل ایکی بیچاره مسلمان ، بلغارلر طرفندن قتل ایدلدی . بی روح جسدلری آتسه ویرلدی . قاتل جنوارلر بوجسندن چیقان علولر قارشینسده شهر آیین یاپدیله . مظلوم شهیدلرک جنازه سی اون بش بیک مسلمان طرفندن قالدیرلدی . بیچاره لرک جنازه نمازینی قیله جق جامع بوله مدیلر . بو قوجه چورچوب کتله سی نره یه باش اوردیله سه اهل صلیب و حشیلری طرفندن منع اولمشلردر . نهایت معصوم شهیدلر بابارلرک حقارتلری التنده طولاشمقدن ایسه قارا طوپرلرلر الته کیرمکده استعجال کوسترمشلردر .

**سبیل الرشاد .** — مملکتلرینی ، دینلرینی مدافعه یولنده اولومدن چکینه نلر کونده بیک دفعه بویله اولوب دیر یله یه محکومدرلر . « الم تر الی الدین خرچوا من دیارهم و هم أئوف حذر الموت فقال لهم الله موتوا ثم احیاهم »

**بونانه قرالنک قتلی .** — یونان قرالی صالی کونی اوکلدن صوکره سلاویکده بلغارلر طرفندن قتل ایدلمشدر . بعض خبرلره کوره ده ، یونانلیر ایله بلغارلر آره سنده قتل عام باشلامشدر . ان شاء الله جانوارلر بر برینی بیه جکدر . « تحسبهم جمعاً و قلوبهم شتی »

**نصیره امبار .** — سلاویکدن ۱۳ مارت تاریخنی ایله نویه فریه پرده سه غزته سنه اشعار ایدیلور : « عثمانیه ، جمعه بالا و پترچ قضا لرینه منسوب اون درت ناحیه نك سلاویکه کوندردکلی هیئت مرخصه ، قونسولسلره مراجعت ایدرک دینلرینک محافظه ایدلسنی استرحام ایتمشلردر . بلغارلر ، کویلرده اسلاملری خریستیانلنی قبوله مجبور ایدیورلر . عکس تقدیرده اسلام اهالی قتل و ضرب ایدیور . تنصر ایدیلر ، کندی ارزولری ایله وبلا جبر خریستیانلنی قبول ایتدکلینه دائر بر ورقه امضا ایتکده مجبور ایدیورلر . کلیسا حاکلری چالندینی زمان کلیایه کیمه یین بو قبیل جبری خریستیانلر تهدید ایدیورلر . »